

**YU GAT  
WANEM  
ROT?**



## **YU GAT WANEM ROT?**

*"Olsem sipsip, yumi olgeta i bin abrusim rot na yumi go nabaut long ol liklik rot na laik lus."*

Aisaia 53v6

Sapos yu askim 12-pela man long rot i go long Heven, ating bai yu kisim 12-pela kainkain ansa o nem long rot. Wanpela bai i tok, "Dispela em i bilip bilong mi," na arapela bai i tok, "Bilip bilong mi i go olsem." Yumi olgeta i gat kainkain liklik rot nabaut na yumi lus pinis.

Yu gat wanem rot? Ating rot bilong yu i olsem olgeta man i save bihainim? "Bihainim lo, mekim gutpela pasin," dispela em rot bilong man tasol. Rot bilong God long yumi i

olsem, Jisas i tok, "*Mi yet mi rot, mi as bilong Tok tru na mi as bilong laip. I nogat wanelpa man i kamap long Papa long narapela rot, nogat. Long mi tasol.*" Jon 14v6

Rot bilong God em insait long Jisas Kraist, Pikinini bilong em. Man i bilip long Pikinini em gat laip bilong i stap oltaim, man i no bilip long Pikinini em i nogat laip, tasol bel hat bilong God em i stap long em. Jon 3v36

Ating rot bilong yu i orait long ai bilong yu yet, tasol God i tok, "*I gat wanelpa rot, i gutpela tumas long ai bilong ol man, tasol pinis bilong em i go long paia na dai.*" Proverbs 14v12

*"Bel bilong man i nogut tru, i doti olgeta."* Jeremaia 17v9

Yumi no inap putim bilip long rot bilong yumi yet, yumi mas kam long rot bilong God insait long Pikinini bilong em. Dispela stretpela man i bin dai long yumi sin man. 1 Pita 3v13

Kraist Jisas i bin kam long graun long kisim bek ol sin man. 2 Timoti 1v15

I nogat wanelala samting i bikpela moa long laip bilong yu na i winim dispela. Sapos yu autim long maus bilong yu, Jisas Kraist em i Bikpela, na bilip long bel bilong yu olsem, God i kirapim em long matmat, bai God i kisim bek yu.  
Romans 10v9